


ԽՍՀՄ ՀՈՂԺՈՂԿՈՄՍ

Հ Ր Ա Հ Ա Ն Գ

ՁԻԵՐԻ ԶՈՒԳԱՎՈՐՄԱՆ ԿԱՄՊԱՆԻԱՆ
ԱՆՑԿԱՑՆԵԼՈՒ ՄԱՍԻՆ



Հ Ր Ա Հ Ա Ն Գ

ՁԻԵՐԻ ԶՈՒԳԱՎՈՐՄԱՆ ԿՍՄՊԱՆԻՍՆ ԱՆՅԿԱՑՆԵԼՈՒ ՄՍՍԻՆ

I. ՁԻԵՐԻ զուգավորման կամպանիան անցկացնելու նախապատասխան աշխատանքը

1. Ձիերի վերարտադրման աշխատանքում հողային որգանները, կոլտնտեսությունները և խորհրդային տնտեսությունները պետք է անշեղորեն կատարեն ՀամԿ (Բ) Կ Կենտկոմի և ԽՍՀՄ ԺԿՆ-ի 1933 թվի փետրվարի 10-ի վորոշումը, վոր պարտադրում է զուգավորել սերունդ տալու համար պիտանի բոլոր զամբիկներին:

2. Յեղնելով այդ հիմնական դրույթից յուրաքանչյուր կոլտնտեսությունում և խորհրդային տնտեսությունում մինչև զուգավորման կամպանիան սկսվելը պետք է կատարված լինի հետևվյալ աշխատանքները:

ա) Շրջհողբաժնի նշանակած գոտանանաբուժական հանձնաժողովի կողմից պետք է զննված լինեն 3 տարեկան ու դրանից մեծ հասակի բոլոր զամբիկները, ինչպես նաև այն յերիտասարդ զամբիկները, վորոնց 3 տարին լրանում է գարնանը, և պետք է առանձնացված լինեն սերունդ տալու համար պիտանիները:

ԾԱՆՈԹՈՒԹՅՈՒՆ— Ձուգավորման յենթակա չեն՝ յերեք տարեկանից ցածր զամբիկները, 3 տարեկան հասակի, բայց չկազմավորված և թերզարգացած զամբիկները, սեռական որգանների այնպիսի ախտաբանական փոփոխություններ ունեցող զամբիկները, վորոնց ժամանակ անհնարին է դառնում հղիությունն ու ծննդաբերությունը, հիվանդ կամ թե վարակիչ հիվանդությունների վերաբերյալ կասկածելի զամբիկները, վորոնց հիվանդությունների դեմ պայքարելու ժամանակ արգելվում է զուգավորումը կամ թե արհեստական սերմնավորումը (խլախտ, վարակիչ սակավարյունություն):

բ) զամբիկներին զննման հետ միաժամանակ կատարվում է նաև հովատակների զոտանասնարուժական զննում: Շրջանում յեղած հովատակներից լավագույններն առանձնացվում են զուգավորման կամպանիային մասնակցելու համար, մշակվում և շրջանում գործելիք զուգավորման կայանների ցանցը, կատարվում է հովատակների տեղաբաշխումը ըստ կայանների և մայրերի կցումը դրանց: Չուգավորման կայանների կազմակերպումը, հովատակների տեղաբաշխումը և զամբիկների կցումը դրանց՝ պետք է շաղկապված լինեն շրջանում վարակիչ հիվանդությունների դեմ տարվող անասնարուժական միջոցառումների հետ.

գ) մայրական կազմի և հովատակների զոտանասնարուժական զննման ավյալների հիման վրա շրջնողրաժինը պետք է զուգավորման կամպանիան անցկացնելու պլան սահմանի ըստ յուրաքանչյուր կոլտնտեսությունից և խորհրդային անտեսությունից, իսկ մենատնտեսների գծով՝ ըստ յուրաքանչյուր գյուղխորհրդի.

դ) ձիերի զուգավորման կամպանիան անցկացնելու պլան պետք է քննարկվի տնտեսությունների արտադրական խորհրդակցություններում և հասցվի յուրաքանչյուր բրիգադին ու կոլտնտեսականին, ինչպես նաև մենատնտեսությունը.

ե) միջակից ցածր գերություն ունեցող բոլոր մայր ձիերը պետք է ուժեղացրած կերակրման դրվեն և մինչև ձիերի զուգավորման կամպանիան սկսվելը հասցվեն միջակ ու լավ գերություն: Հիվանդ մայրերը պետք է բուժման դրվեն:

զ) զուգավորման կամպանիան սկսվելուց մեկ և կես ամիս առաջ արտադրող հովատակները պետք է դրվեն լավացրած կերակրման և մինչև զուգավորումն սկսվելը հասցվեն լավ գերացած գրություն: Մինչ զուգավորման կամպանիայի սկիզբը պետք է կատարվի նաև բոլոր հովատակների սերմի հետազոտում:

Հետագայում, զուգավորումն անցկացնելիս, սերմը պետք է կանոնավորապես ստուգվի վոչ պակաս քան ամիսը մեկ անգամ.

է) հովատակների համար պետք է առանձնացվի և անձեռնմխելի դարձվի անհրաժեշտ քանակի խտացրած և կոպիտ կեր՝ զուգավորման ամբողջ ժամանակաշրջանի համար.

ը) հովատակների համար պետք է համապատասխան շենք նախապատրաստված լինի:

թ) կարճատև զատրնթացներում պետք է պատրաստված լինեն զուգավորման կայանների վարիչներ:

3. Չուգավորման կայանը կազմակերպվում և աշխատում է կոլտնտեսությունից վարչություն անմիջական ղեկավարություն տակ: Այն դեպքում, յերբ զուգավորման կայանը բրիգադի աշխատանքի վայրից 10 և ավելի կիլոմետր հեռավորություն վրա յե գտնվում, բրիգադին կից կազմակերպվում է զուգավորման կայան և հատուկ արտադրող է առանձնացվում:

4. Յեթե այն բրիգադում, վորին կցված է հովատակը, մայրական կազմի թիվը բավարար չէ հովատակին լրիվ ծանրաբեռնելու համար, այդ դեպքում հովատակին մի քանի բրիգադների զամբիկներ են կցվում:

5. Ձիերի զուգավորման կամպանիայի պլանը բարձր վորակով յեվ իր ժամանակին կատարելու համար պատասխանատվություն են կրում՝

ա) կոլտնտեսությունից նախագահը՝ կոլտնտեսությունից պլանն իր ամբողջությամբ կատարելու համար.

բ) ՁԱՖ-ի վարիչը՝ ՁԱՖ-ի մայրական կազմի և արտադրողների նախապատրաստման ու զուգավորման կամպանիայի անցկացումը կազմակերպելու համար.


գ) զուգավորման կայանի վարիչը պլանը կատարելու համար, հովատակների գրություն համար, զամբիկների տեխնիկապես ճիշտ ծածկման, հաշվետվության և զուգավորման մատյանները ճիշտ վարելու համար.

դ) բրիգադավարը՝ բրիգադի պլանն իր ամբողջությամբ կատարելու և զամբիկին զուգավորման կայան տանելու նպատակով իր ժամանակին աշխատանքից ազատելու համար.

ե) ձիագահը՝ զուգավորման կայանին կցված զամբիկների սեռական ցանկությունն իր ժամանակին հայտարարելու, զամբիկները կայան բերելու և ծածկելու համար, մինչև նրանց հովատակից լրիվ հրաժարվելը:

զ) ձիավար— կոլտնտեսականը զամբիկի սեռական ցանկությունն իր ժամանակին հայտարարելու և զուգավորման կայան բերելու համար:

6. Չուգավորման ժամանակաշրջանի սկիզբը և վերջը սահմանվում է որի ենտիք կերպով մարտի մեկից մինչև հուլիսի 15-ը: Նայած առանձին յերկրամասի, մարդի կլիմայական պայմաններին՝ այդ ժամկետները կարող են փոքր ինչ փոփոխման յենթարկվել:



11-3025297

II. Զուգավորման կայանի աշխատանքի կազմակերպումը

7. 20 և ավելի զամբիկ ունեցող յուրաքանչյուր կոլտնտեսութուն, յեթե նրան պատկանող մայրական կազմը չի կցված արհեստական սերմնավորման կայանին, պետք է կազմակերպել իր զուգավորման կայանը, այդ գործին հատկացնելով այնքան հովատակներ, վորոնք կարողանան ապահովել սերունդ տալու համար պիտանի բոլոր զամբիկներին ծածկումը:

8. Զուգավորման կայան նշանակված հովատակները սորտային և ցեղային տեսակետից պետք է համապատասխանեն զուգավորման կայանին կցված մայրական կազմի վորակական և ցեղական կազմին և իրենց վորակով (եկտերբերով և արյունակցության աստիճանով) մայրական կազմից բարձր լինեն:

9. Հովատակին զուգավորման կայան նշանակելիս՝ պետք է առանձնակի ուշադրութուն դարձնել այն բանի վրա, վորպեսզի հովատակը չունենա ժառանգաբար փոխանցվող արատներ (չչանեղձում, վերջավորութունների արատներ, կուբբա, ժարկա, շպատ):

Նշված արատներն ունեցող վոչ տոհմային հովատակները զուգավորման չեն թույլատրվում:

Այդ արատներն ունեցող և անցյալ տարիները զուգավորման կայաններում ոգտագործվող տոհմային հովատակները կարող են մտցվեն զուգավորման ցանցի մեջ, յեթե զրանց սերնդի վորակի ստուգումը զոտանասնարուժական աշխատողների կողմից ցույց տա, վոր այդ արատները սվյալ հովատակի կողմից ժառանգաբար չեն փոխանցվում:

Յեթե տնտեսության մեջ կա յերիտասարդ տոհմային հովատակ, (առաջներում զուգավորման համար չոգտագործված, վորն ունի վերոնշյալ արատները, բայց արժեքավոր է իր ծագումով, եկտերբերով և չափումներով, ապա տոհմային հովատակների պակասության դեպքում, զոտանասնարուժական հանձնաժողովը կարող է թույլատրել զրան զուգավորման սահմանափակ ոգտագործումով, վոչ ավելի քան 8-10 վոչ-տոհմային զամբիկ ծածկելու: Նայած այդ հովատակից ստացված սերնդի վորակին, հետագայում պետք է լուծվի զրա հետագա ոգտագործման հարցը վերաբրտագրման համար:

10. Հովատակներին կցվող զամբիկներին ընտրության ժամանակ անհրաժեշտ է դեկավարվել հետեվյալ կանոններով.

ա) չզուգավորել միատեսակ եկտերբերային թերություն-

ներ ունեցող հովատակին և զամբիկին— որինակ՝ կախ ընկած մեջք ունեցողներին (վոչ ծերությունից):

բ) վորոշակի արյունակցություն ունեցող զամբիկներին չզուգավորել վոչ-ցեղային կամ թե ավելի ցածր արյունակցության աստիճանի հովատակների հետ (որինակ՝ $\frac{3}{4}$ արյունակցության զամբիկը չի կարելի ծածկել կիսարյուն հովատակով, կամ թե կիսարյուն զամբիկը՝ վոչ-ցեղային հովատակով և այլն):

գ) լավագույն զամբիկներին զուգավորել լավագույն հովատակների հետ՝ կայունացնելով սերնդի մեջ նրանց ոգտակար հատկանիշները:

11. Շրջնողբաժնի զոտտեսնիկական անձնակազմը պարտավոր է տոհմային գրքերում գրանցված զամբիկներին համար հովատակների անհատական ընտրություն կատարել:

III. Շեքեր յեվ հովասակի պահպանումը զուգավորման կայաններում

12. Զուգավորման կայանում հովատակին հատկացրած ախոռը պետք է լավ պաշտպանված լինի անձրեվից և միջանցուկ քամուց, լինի չոր, բավարար լուսավորող տարածությամբ (հատակի տարածության 1|12-ից վոչ պակաս), հնարավորին չափ մեկուսացած լինի ձիերից և այլ անասուններից:

13. Հովատակներին պետք է պահել դեննիկներում և վոչ մի դեպքում կապած զրությամբ: Դեննիկի չափը պետք է լինի վոչ պակաս $3,2 \times 3,2$ մետրից. բարձրությունը $3,5$ մետր:

Դեննիկներում անհրաժեշտ է այնպիսի դուռ չինել, վորպեսզի հովատակը կարողանա ազատ կերպով անցնել, չկռացնելով զլուխը (մոտավոր չափը $1,2 \times 2,8$ մետր է):

Դեննիկների հատակը պետք է լինի կավակերտ, լավ տոփանած առանց խորդ ու բորդությունների և փոսերի:

14. Հովատակներին հատկացված շենքը պետք է մաքուր պահվի յեվ ամեն որ ոգափոխվի: Գոմաղբը և թաց ցամքաբն ամեն որ պետք է զուրս տարվի:

Դեննիկներում և միջանցքներում բացի մսուրներից այ իրեր — ճաղեր, մաղեր, տաշտեր և այլն չպետք է լինեն:

Ցանկալի յե դեննիկներում կախովի մսուրներ ունենալ:

15. Զուգավորման կայաններում հովատակներին պետք է անհատորեն կերակրել հետեվյալ որական որինակելի կերային նորմաներով (կիլոգրամներով):

Կերերի անունը	Հեծնելու, վարդուն և մանր ծանրաքաշ ձիերի համար	Պոռոր ծանրաքաշ ձիերի համար
Պտաքրած կերեր (վարսակ, գարի յեզիպտացորեն, թեփ)	5-7	6-9
Չոր խոտ	6-8	8-10

16. Արտադրող հովատակների կերը պետք է լինի լավ վորակի վարսակը՝ չոր, առանց վատ հոտի, մաքուր, խոտը՝ առանց բորբոսի, իր ժամանակին լավ հնձված ու հավաքած, ցամքարի համար առավելապես պետք է ձղոտ գործածել, թույլատրելով դրա փոխարինումը տորֆով կամ փայտի թեփով:

17. Ամեն որ սահմանված ժամին հովատակին պետք է մաքրել ձղոտի փնջով և խոզանակով, իսկ սմբակները լվանալ ջրով և սրբել մինչև ցամաքելը:

18. Հովատակները կամ ամեն որ պետք է ցանկապատած արոտներում (левада) զրոսանքի դուրս բերել կամ հեծած և կամ սայլակառքում լծած, 40-50 բույս տեվողությամբ դանդաղ քշել մինչև թեթև քրտնելը:

19. Հովատակների հետ անհրաժեշտ է ուշադիր վարվել, չի թույլատրվում հովատակին հարվածել, հրել և այլն: Զուգավորման կամ պանիայի ամբողջ ժամանակաշրջանում պետք է հովատակի 4 վոտքերից ել պայտերը հանված լինեն:

20. Ամսական վոչ պակաս քան մեկ անգամ անհրաժեշտ է մաքրել հովատակների սմբակները, մաքրումը պետք է կատարվի ձեռքերի վրա հովատակին առանց դաղձցան մտցնելու:

21. Զուգավորման յուրաքանչյուր կայանում պետք է սահմանված լինի որվա կայուն կարգ, վորպես որիենտիր կարելի չի ղեկավարվել հետեվյալով՝

Ժամեր	Աշխատանքի որոշումները
5-6	Ջրելը, խոտով և վարսակով առաջին կերակրելը, գեննիկները մաքրելը:
6-7	Հովատակի մաքրելը զրոսանքից առաջ, հովատակին զրոսանքի տանելը:
7,5-8,5	Զուգավորումը: Զուգավորելուց հետո հովատակին զրոսանքի տանելը: Պոտ տալը:
10-11,5	Հովատակների և ախոսների մաքրումը:
11,5-12	Ջրելը: Թեփ, վարսակ և խոտ տալը:
17-18	Ձամբիկների զուգավորումը այն հովատակների հետ, վորոնց թույլատրված է յերկրորդ անգամ ծածկելու, ինչպես նաև յեթե առավոտյան զուգավորում չի կատարվել: Զուգավորելուց հետո հովատակներին զրոսանքի տանելը:
18-18,5	Հովատակների և ախոսի մաքրումը:
18,5-19	Ջրելը, վարսակ և խոտ տալը:
24	Պոտ տալը գիշերապահի կողմից:

Զուգավորման կայանի որվա կարգը պետք է քննարկվի կոլտնտեսության վարչության կողմից և հաստատվի կոլտնտեսականների ժողովում:

IV. Հովասակների ոգսագործումը զուգավորման համար

22. Յուրաքանչյուր առողջ, նորմալ վիճակում գտնվող և հասակն առած (4 տարեկան և բարձր) տոնմային հովատակ, խնամքի և պահպանման համապատասխան կանոններ պահպանելիս կարող է բնական ձեռնաքաշ զուգավորման ժամանակ ծածկել վոչ պակաս 50 զամբիկից, տալով զուգավորման սեզոնում վոչ ավել քան 175 ծածկում:

Առաջին անգամ զուգավորվող 3 տարեկան հասակի հովատակների համար սահմանվում է 15-30 մայր ծածկելու բեռնվածություն, սեզոնի ընթացքում 75 ծածկումից վոչ ավել:

Ծեր հովատակները բեռնվածության նորմաները, նայած նրանց առողջական վիճակին և անհատական առանձնահատկություններին, կարելի չի իջեցնել մինչև 20-30 զամբիկի:

23. Ձեռնաքաշ զուգավորման ժամանակ միանգամայն առողջ արտադրողին կարելի չէ որական թույլատրել 2 ծածկում, ծածկումների մեջ, ընդմիջում տալով վոչ պակաս քան 8-10 ժամ:

Յերիտասարդ — 3 տարեկան հասակի, առաջին անգամ զուգավորվող հովատակների համար սահմանվում է որական 1 ծածկում:

24. Սմբային զուգավորման ժամանակ մեծահասակ հովատակների համար սահմանվում է 25 զամբիկի բեռնվածություն, իսկ յերիտասարդ և ծեր հովատակների համար 12-15 զամբիկ:

25. Արհեստական սերմնավորման ժամանակ հովատակի բեռնվածությունը պետք է լինի 150 զամբիկից վոչ պակաս:

26. Կոլտնտեսություններին պատկանող յուրաքանչյուր հովատակի բեռնվածությունը սահմանում է զուգավորման կամ պանիայի նախապատրաստական աշխատանքներն անցկացնող զոտտեխնիկական հանձնաժողովը, իսկ Պետ-ձիարուձական ախոսի

հովատակները բեռնվածութունը՝ ախոռի աշխիստրացիան և ա- նանարուժական անձնակազմը: Սահմանված բեռնվածութունն արձանագրվում է վերև նշված հանձնաժողովների ակտերով:

V. Փորձումն ու զուգավորումը

27. Չամբիկների սեռական ցանկութունը վորոշելու հա- մար ձեռնաքաշ զուգավորման ժամանակ կատարվում է դրանց փորձումն փորձող հովատակով, վորը կոլանտեսության կողմից առանձնացվում է բանող ձիերի կազմից:

Փորձածին առանձնացնելիս պետք է առանձնակի լուրջ ու- շադրութուն դարձնել այն բանի վրա, վորպեսզի նա զերծ լինի վարակիչ հիվանդութուններից:

28. Չամբիկների փորձումը կատարվում է հետևյալ յե- դանակներով՝

ա) ձեռքից — յերբ յերկու ձիապաններ պայտահանած փորձածիու յերասանակներից բռնած մոտեցնում են հետևի վոտ- քերը պայտահանած զամբիկներին կամ՝ բ) փակոցի վրայով, յերբ փորձածին կանգնեցնում են յերկու սյուների արանքում ողակներով ամրացած և խսիրով փաթաթած (1 մետր բարձրու- թյան և 2 և կես մետր յերկարության) փակոցի մի կողմում, իսկ մյուս կողմից մոտեցնում են զամբիկին: Յերկու դեպքե- րումն էլ փորձածիուն սկզբում թույլ են աալիս հոտոտելու զամ- բիկին գլխից, իսկ հետո, յեթե զամբիկը մոտ է թողնում, աստի- ճանարար մոտեցնում են աճուկին և հետույքին:

ԾԱՆՈԹՈՒԹՅՈՒՆ— Փորձածիերը զուգավորման ամբողջ ժամանակաշրջանում պետք է պայտահանված լինեն:

29. Փորձումն ու զուգավորումը պետք է կազմակերպել այնպես, վոր զամբիկները չկտրվեն գյուղատնտեսական աշխա- տանքներից: Ամեն որ առավոտյան մինչ աշխատանքներն սկըս- վելը, յերեկոյան աշխատանքներից հետո և ճաշի ընդմիջումին զուգավորման կայանի վարիչը կամ ձիապահը փորձածին հեծած շրջում է այն բրիգադները, վորտեղ կան զուգավորման համար նախատեսված զամբիկներ և կատարում նրանց փորձումը: Զու- գավորման կայան չունեցող, բայց այս կամ այն զուգավորման կայանին կցված կոլանտեսություններում զամբիկների փորձու- մը անց է կացվում հատուկ առանձնացրած ձիապահի կողմից:

Մենատնտեսներն իրենց զամբիկներին փորձելու համար պետք է զուգավորման կայան բերեն:

30. Չիապահներն ու հեծվորները պարտավոր են հսկել զամբիկները բերի գալու (սեռական ցանկութուն) յերեվալուն, վոր իմացվում է հետևյալ նշաններով:

Բերի յեկող զամբիկները դառնում են անհանգիստ, նրանց հեշտոցի լորձաթաղանթն ուռչում է, հաճախակի միզում են, բարձ- րացնում են պոչը, հետ են նայում ձիերի վրա և այլն:

Փորձելու ժամանակ զամբիկը թարթում է մեքըը, այնտե- ղից դեղնավուն պղտոր լորձունք է բաց թողնում և հանգիստ կանգ- նում, արտահայտելով զուգավորման լրիվ ցանկութուն:

Յեթե փորձելու ժամանակ զամբիկը ցույց տված նշանները չի հայտարբերում, անհանգիստ է կանգնում, պտտում է պոչը, շարանում, աքացի տալիս, ապա այդ նշան է, վոր զուգավորման ցանկութուն չունի:

31. Զծնած զամբիկներին անհրաժեշտ է զուգավորման կամպանիայի սկզբից ամեն որ փորձել: Ծնած զամբիկների փորձումը սկսում են ծնելուց հինգ որ հետո և շարունակում ա- մեն որ մինչև ցանկության գալը:

Չամբիկներին ծածկում են զուգավորման լրիվ ցանկու- թյուն հայտնաբերելիս:

Հերթ դրված զամբիկները փորձվում և զուգավորվում են առաջին հերթին:

32. Սեռական ցանկության յեկած զամբիկները զուգավոր- ման կայանում ծածկվում են յերկրորդ որը, առաջին որը հաշվե- լով— սեռական ցանկություն հայտարբերելու որը: Այնուհետև վ փորձվում են 4-րդ, 6-րդ, 8-րդ և 10-րդ որը հաշվելով ցանկու- թյուն հայտարբերելու որից և ցանկության դեպքում ծածկվում են նույն այդ որերում: Ինտենսիվ ցանկություն հայտարբեր- լու դեպքում ծածկումը կարող է կրկնվել 24-26 ժամ հետո: Նշված որերից վորեկ մեկ որում հովատակից հրաժարված զամ- բիկներին շարունակում են փորձել ամեն որ կամ թե որ ու մեջ— մինչև զուգավորման կամպանիայի վերջը, կամ թե հղիության փաստի սահմանելը:

ԾԱՆՈԹՈՒԹՅՈՒՆ — 10-րդ որը ծածկված զամբիկները 12-րդ որում էլ ցանկություն հայտարբերելու դեպքում նրանց ալլեա չեն ծածկում, այլ ուղարկում են անասնաբու- ժական գնաման և հետագայում զուգավորում անասնա- բուժական անձնակազմի ցուցմունքներով: Որինակ՝ յեթե զամբիկը բերի յե յեկել ապրիլի 3-ին, նրան ծածկում են ապրիլի 4-ին, յերկրորդ փորձումը

կատարում են ապրիլի 6-ին և բերի գալու դեպքում զուգավորում են հենց նույն օրը: Յերբորդ փորձումը կատարում են ապրիլի 8-ին, չորրորդը՝ ապրիլի 10-ին:

33. Յեթե փորձման և զուգավորման մատյանի գրանցումներին կարելի լինի պարզել ցանկության տեղումը, այդ դեպքում չբեղմնավորված յերկարատեվ բերի շրջան (9-12 օր) ունեցող զամբիկներին ծածկում են ցանկության 4-րդ օրին, իսկ ծծմայր զամբիկներին, վորոնք ունեն նույնպես տեղակայան ցանկություն սկսում են զուգավորել 3-րդ օրին:

34. Յեթե մի օրում ցանկության են գալիս մեկ հովատակի համար ընտրված մի քանի զամբիկ, այդ դեպքում առաջին հերթին ծածկում են ծնած (ծծմայր), ցանկության առաջին շրջանում գտնվող զամբիկներին:

35. Չունաքաշ զուգավորումն անցկացնելու համար պետք է հատկացնել միանգամայն մեկուսացված մի հարթ տեղ, վորն ազատ լինի կեղտից, գոմաղբից, քարերից, ապակուց և այլն:

Լավ յեղանակին զուգավորումը կարելի յե կատարել բացօթյա, իսկ վատ, ցուրտ յեղանակին՝ լավ պաշտպանված և ծածկած բակում:

36. Չուգավորման ժամանակ պետք է լրիվ հանգստություն (լուսթյուն) պահպանել, վոր պետք խոտակցությամբ և ազմուկով չվախեցնել հովատակին և չշեղել նրա ուշադրությունը: Կողմնակի անձնավորությունների ներկայությունը զուգավորման ժամանակ չի թուլատրվում:

37. Յեթե զամբիկն իր հասակով հովատակից բարձր կամ ցածր լինի, այդ դեպքում անհրաժեշտ է զուգավորելու համար զամբիկի հասակը հավասարեցնել հովատակի հասակին, զամբիկին ավելի ցածր կամ բարձր տեղ կանգնեցնելով:

38. Չուգավորման ժամանակ զամբիկներին հետևի վտարերը անպայման պետք է պայտահանված լինեն:

Հովատակին զամբիկի հարվածներից պաշտպանվելու նպատակով վերջինին զուգավորումից առաջ անհրաժեշտ է զուգավորման շրջափոկ հազցնել:

Հովատակի առնանդամը մազով վիրավորելուց խուսափելու համար, զուգավորումից առաջ պետք է զամբիկի պոչը մինչև կեսը փաթաթել բինտով և ծածկման ժամանակ մի կողմ քաշել:

Յեթե նկատվի, վոր զուգավորման ժամանակ հովատակը կրծում է զամբիկին, այդ դեպքում պետք է զամբիկներին վիզը և մնդավը — պաշտպանել ծածկոցով:

39. Չուգավորման համար պատրաստած զամբիկին ծածկումից առաջ պետք է կանգնեցնել զուգավորման հատկացրած տեղը: Հովատակին յերկու յերկար յերասանակներից բռնած դրությամբ մոտեցնում են զամբիկին և յերբ նա պատրաստ է լինում (առաջ է գալիս առնանդամի լրիվ դոգուում) բաց են թողնում զամբիկի վրա:

Ծածկման ժամանակ անհրաժեշտ է զամբիկի գլուխը վեր բարձրացնել, վորպեսզի գավարացվի հովատակին հարվածելու հնարավորությունը, հովատակի կողմից ուժեղ ճնշման դեպքում, անհրաժեշտ է զամբիկին ուսով պահել կրծքի տակից:

Չպետք է թույլ տալ, վոր հովատակը նետվի և բարձրանա զամբիկի վրա կողքից: Պետք է թողնել, վորպեսզի հովատակը առաջ հոտոտի զամբիկի գլուխը, կողքերը, աճուկը և այն ժամանակ միայն թույլ տալ բարձրանալու:

40. Չունաքաշ զուգավորման ժամանակ հովատակի առնանդամը ձեռքով է ուղղվում: Չիապահի ձեռքերը միշտ մաքուր պետք է լինեն, յեղունգները կտրած: Յերբ հովատակը կբարձրանա զամբիկի վրա՝ յերասանակները պետք է թուլացնել և զամբիկին ազատություն տալ, պահելով նրան, վորպեսզի նա հանգիստ կանգնի հովատակի տակ:

41. Հովատակը պետք է զամբիկի վրա մնա մինչև սերմի լրիվ արտադրվելը, վորն իմացվում է նրա պոչի թեթև շարժումով վերից վար, և մինչև վոր առնանդամը հեշտոցից դուրս ընկնի:

Ծածկումից հետո հովատակի առնանդամը զգուշորեն լվանում են մաքուր գոլ ջրով (20-25 աստիճանի):

42. Յեթե վորևե պատճառով ծածկումը չհաջողվեց, անհրաժեշտ է այդ դեպքում հովատակին 15-20 րոպե ման ածել և դրանից հետո կրկնել զուգավորումը: Չուգավորելուց հետո հովատակին չպետք է անմիջապես շենք տանել, այլ պետք է մոտ 20 րոպե ման ածել, ըստ վորում ախոռ տանելուց հետո լավ չորացնել, սրբել ծղոտով, տրորել զավակը, գոտկատեղը, վտարերը և հետո միայն դեննիկ թողնել: Յուրտ յեղանակին հովատակին ման ածելիս պետք է ծածկոցով ծածկել:

43. Ծծմայր զամբիկներին փորձելու և զուգավորելու ժամանակ, անհրաժեշտ է մտրուկին զամբիկի մոտ պահել և նրան ազատել միայն հովատակին տանելուց հետո:

44. Աղալային զուգավորման ժամանակ զամբիկներին վոր-

ձուժը կարող եւ և չկատարվել: Աղալային զուգավորման համար նախատեսված բոլոր զամբիկներին առավոտյան քշում են բազը (աղալը) և դրանից հետո բաց են թողնում այն հովատակին, վորը նախատեսված եւ այդ զամբիկներին ծածկելու համար: Արտաբերողը ինքն եւ գտնում տվյալ մոմենտում ցանկութուն ունեցող զամբիկներին և ծածկում եւ նրանց ըստ իր ընտրության: Աղալային զուգավորման համար նշանակված հովատակին նույն զամբիկի կամ տարբեր զամբիկների վրա կարելի չե որական միայն յերկու ծածկում թույլատրել:

Զուգավորումը վերջացնելուց հետո հովատակին ախոռ են տանում, իսկ զամբիկներին քշում են արոտ:

Աղալում հովատակներին հեշտ բռնելու համար, նրան աղալ են բաց թողնում լավ հարմարեցրած պախուցով, բայց առանց յերասանակի:

45. Զուգավորման ժամանակ հովատակը՝ նրան հատկացրած խմբում զամբիկներին ծածկում եւ ինքնուրույն կերպով, առանց կողմնակի ոգնության:

Վորպես կանոն մինչև զուգավորման կամպանիայի վերջը զամբիկներին խմբերից չեն վերցնում, բացառությամբ հիվանդության դեպքերից:

Սմբի մեջ նոր զամբիկներ ավելացնելը կարելի չե միայն մեծ անհրաժեշտության ժամանակ: Այդ դեպքում լավ եւ հովատակին վերցնել աղալ և պահել դրան խմբի մեջ նշանակված նոր զամբիկի հետ:

Յերբ նրանք իրար ընտելանում են բաց են թողնում խմբի մեջ:

46. Մինչև զուգավորման սեզոնի վերջը, խմբից հովատակ, ինչպես և զամբիկներ վերցնել կարելի չե միայն բացառիկ դեպքերում (հիվանդություն և այլն):

Հովատակին պետք ե սովորեցնել արոտում լրացուցիչ կերուտել տալրակից, իսկ որվա շոգ ժամանակ՝ ախոռում: Վերջին յեղանակը հանձնարարվում եւ միայն այն հովատակների համար, վորոնք խմբից առանձնացվելիս չեն անհանգստանում:

47. Սմբային զուգավորման մեջ առաջներում աշխատող հովատակին խումբ են բաց թողնում հետեվյալ կերպ.

Տվյալ հովատակի համար նախատեսված զամբիկներին հավաքում են մի բաց տեղ և նրանց մոտ բաց են թողնում արտադրողին, սպասելով այն ժամանակին, յերբ զամբիկները, առանձնապես փոքր մտրուկ ունեցող ծմայրները հանգստանան. խումբը յերամակավարի հսկողության տակ քշվում եւ նրա համար նախատեսված արոտավայրը:

48. Զուգավորման մեջ չեղած ջահել հովատակին խումբ են բաց թողնում հետեվյալ կերպ. հովատակին կցված մայրերին քշում են աղալը, նրանցից ընտրում են մի զամբիկ, վորը տվյալ մոմենտին բացահայտ սեռական ցանկության մեջ եւ և ձեռնաքաշ յեղանակով ծածկում են: Այդ ժամանակ ցանկալի յե խուսափել արտադրողին վորեւ ոգնություն ցույց տալուց (պահելը, առանդամի ուղղելը և այլն): Յերբ հովատակը միանգամայն կընտելանա խմբակին և կկարողանա ինքնուրույն կատարել ելի մի ծածկում, խումբը կարելի չե յերամակավարի հսկողության տակ արոտ քշել:

49. խմբակի զուգավորման մեջ չեղած, բայց ձեռնաքաշ զուգավորման մեջ արդեն ոգտագործված հովատակին խումբ են բաց թողնում այնպես, ինչպես և ջահել հովատակին:

Տարբերությունն այն ե, վոր չափից դուրս տաքարյուն խոռոնվածքի հովատակի առաջին ծածկումից վորոշ ժամանակ անց (աղալում, վորտեղ քշված են նրան կցված բոլոր զամբիկները) չհեռացնելով նրանց, կրկնում են ծածկումը նույն զամբիկի վրա, վորից հետո խումբը արոտ են քշում:

VІ. Պահանջարկական—սանիտարական վերահսկողությունը

50. Յուրաքանչյուր զուգավորման կայան պետք ե անասնաբուժական անձնակազմի (անասնաբուժի, անասնաբուժակի) մշտական հսկողության տակ գտնվի:

51. Զուգավորման կամպանիայի սկզբին բոլոր կոլտնտեսությունները պետք ե անասնաբուժական աշխատողներ հրավիրեն՝ զուգավորման համար նշանակված զամբիկներին և հովատակներին զննելու համար:

Անհրաժեշտ ե առաձնակի ուշադրություն դարձնել զուգավորման հիվանդության (подсعال) և վարակիչ վիժման վրա: Անասնաբուժական սանիտարական զննման են յենթարկվում նաև զուգավորման կայանին կցված մենատնտեսների զամբիկները: Զամբիկները պետք ե զուգավորման կայան բերվեն անասնաբուժական զննման և տնտեսության՝ ձիերը վարակիչ հիվանդություններից զերծ լինելու տեղեկանքներով:

52. Զուգավորման թույլատրվում են միայն արողջ հովատակներն ու զամբիկները: Զուգավորման չեն թույլատրվում խիստ հոգնածության սուր նշաններ ունեցող զամբիկները:

Ինչպես հովատակները, այնպես և դամբիկները յուրաքանչյուր զուգավորումից առաջ պետք է զննվեն անասնաբուժի կամ անասնաբուժակի, իսկ դրանց բացակայութեան դեպքում զուգավորման կայանի վարիչի կամ սանիտարի կողմից:

53. Յեթե հովատակն առնանդամի վրա պզուկներ, խոցեր, կամ թե ձվադարկի վրա ուռուցք ունենա, այդ դեպքում, առանց անասնաբուժական անձնակազմի թույլատրութեան, նա զուգավորման չի թույլատրվում:

54. Հիվանդագին դրութեան նշաններ ունեցող դամբիկները (մարմնի նիհարութուն, ցցված բուրգ, ներս ընկած թարախակալող աչքեր, ընդհանուր դալկութուն, կրծի ուռուցք և քարացում, արտաքին սեռական օրգանների ուռուցք և այտուց, պզուկներ և խոցեր արտաքին սեռական օրգանների թե դրսից և թե ներսից, թարախահոսում, կեղտոտ լորձունքի հոսում և արնաջրի հոսում, հետույքի թուլութուն, մարմնի վորևե մասի անդամալուծութուն, փորի և կրծի վրայի այտուց, արտահոսում քթածակերից, ուռուցք ծնոտի տակ, վտռքերի այտուց կամ ուռուցք, քոս, մարմնի վրա ողակներ և մերկ բծեր) առանց անասնաբուժական անձնակազմի թույլատրութեան չեն թողնվում վոչ փորձվելու և վոչ ել զուգավորվելու:

55. Զուգավորման կայանի մոտերքում արտադրողների և մնացած կենդանիների համար վտանգավոր վորևե վարակիչ հիվանդութուն հայտարարելիս զուգավորման կայանի աշխատանքը անմիջապես դադարեցվում է և կարող է կրկին վերսկսվել միայն անասնաբուժի թույլտվութեամբ:

56. Արտադրող հովատակները հիվանդանալիս՝ զուգավորման կայանի վարիչը պետք է այդ առթիվ անմիջապես հայանի կուտեսութեան վարչութեանը, իսկ պետական բուժարանային ախոտի հովատակների մասին՝ նաև Պետ-բուժարանային ախոտի կառավարչին:

VII. Հազվադեպ յեվ հազվեցվուրյան մասին

57. Զուգավորման կայանի վարիչը վարում է դամբիկների զուգավորումների մատյանը, վորտեղ տեղեկութուններ են գրանցվում զուգավորման կայանում ծածկվող բոլոր դամբիկների մասին:

Զուգավորման մատյանը պետք է տարվի հատուկ մանրա-

կրկիտութեամբ, վորովհետեւ դա հանդիսանում է այն հիմնական փաստաթուղթը, վորի միջոցով սահմանվում է սերնդի ծագումը:

Յուրաքանչյուր հովատակի համար զուգավորումների առանձին մատյան է տարվում: Զուգավորումների մատյանում մտցվում են ծածկման և հրաժարման ամսաթիվը, իսկ փորձման ժամկետները ձիշտ պահպանելու համար սեվագրութեան տեսք է պահվում:

58. Այն դեպքում, յերբ զուգավորման կայանում այլ կուտեսութեաններին և մենատեսեսներին պատկանող դամբիկներ են ծածկում, նրանց ծածկումների գրանցումը կատարվում է այն հովատակի մատյանում, վորով նրանք ծածկվել են և միայն հրաժարվելուց հետո՝ կուտեսութեանը, կուտեսեականներին կամ մենատեսեսներին զուգավորման վկայական է տրվում:


59. Յուրաքանչյուր տասնորյակ, սահմանված ժամկետներին, զուգավորման կայանի վարիչը պարտավոր է շրջնորդածին տեղեկութուն ներկայացնել զուգավորման կայանում ծածկված մայր կենդանիների թվի մասին:

60. Զուգավորման կայանի վարիչը յուրաքանչյուր հովատակի ծածկած դամբիկների ծննդաբերութեան հաշվառքն առանձին է տանում և ծննդաբերութեան վերաբերյալ տեղեկութուններն ուղարկում է հողրածին:

11-302598



Ռուսերենից թարգմանեց՝ Ս. Քաղեվոսյան
Մասնագիտական խմբագիր՝ Ս.վ. Ալլալերդյան
Տեխ. խմբագիր՝ Լ. Ոհանյան
Պրբագրիչ՝ Հ. Մանուկյան



Գլավիտի լիազոր՝ Ա.—4008. Հրատ. № 4650
Պատկեր 499. Տիրամ 1500
Թուղթ 62×94. Տպագր 1 մամ.
Մեկ մամ. 38400 նշան. Հեղինակ. 0,9⁰ մամ.
Հանձնված և արտադրության 25 մայիսի 1938 թ.
Ստորագրված և տպագրության համար 14 հուլիսի 1938 թ.

ՀՀ Ազգային գրադարան



NL0999886

22 OKT. 1938

498

30

11
30252